



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sortes, Qvibvs, Ne Temere Cadant, Temperandis; Vel, Si
Temere Dvcvntvr, Castigandis, Divini Ivdicii Æqvitas
Semper Adest**

Stengel, Georg

Ingolstadii, 1645

§. 1. Heriberto Eremitæ Cuthbertus, ex amore, secum mori impetrat.

[urn:nbn:de:hbz:466:1-52306](https://nbn-resolving.org/urn:nbn:de:hbz:466:1-52306)

non frustra, ad Dei tribunal prouocasse. 119

spicitur, Deum prouocationes quasdam, velut legitimas admittere, ac sæpe vnum, alterius causa, è vita exturbare: ne iniustitia dominetur, & triumphet.

C A P V T. V.

An etiam se mutuò amantium, simulq; mori orantium preces licite; & quando illæ, sicut & citationes supra dictæ exaudiantur, vel non exaudiantur?

§. I.

Heriberto Eremitæ Cuthbertus, ex amore, secum mori impetrat.

ET cur, iustitiæ causâ, duos simul mori non permetteret Deus, qui id sanctis ex misericordia concessit? Beda refert, Heribertum pietate infirmum Eremitam, quotannis, ad Cuthbertum Episcopum ventitare solitum, ut ab eo salutaribus monitis ad perfectionem augendam incitaretur; tandem ei Episcopum vltimum vale dixisse, quòd sciret, diem suæ resolutionis instare. Heribertus qui Cuthbertum, eximiè amauerat, ad pedes illius se prosternens, cum lachrymis inquebat: *Obsecro, per Dominum, ne me deseras: sed tui me-*

Beda lib.
4. histor.
Eccl. cap.
29.

H 4

mor

mor sis fidelissimi Sodalis, rogésq; supremam pie-
 ratem, ut, cui simul in terris seruiuimus, ad
 eius videndam gratiam simul transeamus ad ca-
 los. Incubuit precibus Antistes, statimq; edo-
 ctus in spiritu, impetrasse se, quod petebat a Do-
 mino: Surge, inquit, frater mi, & noli plora-
 re, sed gaude, quia, quod rogauius, super nos
 nobis clementia donauit. Cuius promissi & pro-
 phetia veritatem sequens rerum astruxit euen-
 tus; quia & digredientes ab inuicem non se ul-
 tra corporaliter viderunt; sed uno eodémq; die,
 hoc est, Kalendarum Aprilium tertia decima
 egredientes e corpore spiritus eorum, mox bea-
 ta inuicem visione coniuncti sunt, atq; Angelico
 ministerio pariter ad regnum caeleste translati.
 Sed Heribertus diutina prius infirmitate deco-
 quitur; illa, ut credibile est, dispensatione Do-
 minica pietatis, ut si quid minus haberet meri-
 ti à Cuthberto suppleret hoc castigans longa a-
 gritudinis dolor; quatenus aequatus gratia sua
 intercessori, sicut uno eodémq; tempore cum eo
 de corpore egredi, ita etiam una atq; indissimili
 sede perpetua beatitudinis meruisset recipi. Ha-
 bemus ergo & causam cur multos saepe in-
 nocentes, immo etiã Religiosos viros Deus
 sinat diutinis morbis afflictiari, scilicet ad
 maiorem, in caelo, coronam promerendam
 & in-

& insuper, Deum exaudire sanctos pro se invicem orantes, non ut illis vita ista mortalis prolongetur; sed ut, post unius mortem, mors alterius, in hac lachrymarum valle, non differatur; atque, ut, qui unà Deo, in omni vite austeritate, servierunt, etiam unà Deo, in æterna beatitudine perfruantur.

§. II.

Cur aliquis sibi, & quando possit, vel non possit mortem, ex amore, desiderare?

Et cur hoc alij impetrare conantes, peccent, cum sic alios diligant, sicut semetipsos? Nam qui charitate Dei ac sui ardent, sæpe exclamant: *Hei mihi, quia incolatus meus prolongatus est*, præsertim quia eos tot corporis & animæ mala, in hac peregrinatione, ad patriam faciunt calidissimè suspirare. Quis enim exul ad patriam non aspiraret? Et prudens peregrin⁹, (nisi proximi salus aliud exigat) cum Apostolo, magis cupit à corpore, quàm à Domino peregrinari. Quis nō mallet cum Angelis, & societate beatorum habitare, quàm *cum habitantibus Cedar*, hoc est, cum barbaris ac effertis gentibus, quæ non habitant in ciuitatibus, sed in tentorijs, iisque nigris & rusticis, quales sunt Arabes? per quos ipsi etiam

Psal. 119.
15.